

DISSERTATIO IURIDICA INAUGURALIS,
DE
IURE CONSVETV-
DINARIO,

QVAM
RECTORE VNIVERSITATIS MAGNIFICO,
DN. TOBIA JAC. REINHARTH,

JCTO, FACULT. IURID. DECANO, ASSESS. ET PROF. PVBL. ORD.
ILLVSTRISSIMI S. R. I. COMITIS DE GLEICHEN ET HAZFELD CONSILIARIO,
NEC NON EIVSDEM CANCELLARIÆ ET CONSISTORII BLANKENHAIN,
DIRECTORE, CIVITATIS ERFORDIENSIS STNDICO
ET CONSVLE,

EX DECRETO ET AVTORITATE
MAGNIFICI ICTORVM ORDINIS
IN HAC PER-ANTIQUA VNIVERSITATE
SINE PRÆSIDE

PRO GRADV DOCTORALI
PVBLICO ERVDITORVM EXAMINI SISTIT
ANTONIVS HENRICVS SIMON,
Sereniff. Duc. Sax. Coburg. Saalfeld. Aul. Adv. Ord.

IN AVDITORIO ICTORVM MAIORI
AD DIEM XVII. MAJI, M DCC XXXV.

ERFORDIÆ,
Typis JOH. CHRISTOPH. HERINGII, Acad. Typogr.



THE
FIFTH

THE
FIFTH

THE
FIFTH

THE
FIFTH

PER ILLVSTRI GENEROSISSIMO
ATQVE EXCELLENTISSIMO

DOMINO

FRANC. RVDOLPHO

L. B.

DE SCHMIEDEL,

SERENISS. DVC. SAX. COB. SAALFELD.
MARESCHALLO GRAVISSIMO,

VT ET

ILLVSTRI EXCELLENTISSIMO
CONSULTISSIMOQVE

DOMINO

FRIEDER. ERNESTO
BRVMHARDT,

SERENISS. DVC. SAX. COB. SAALFELD. CON-
SILIARIO SPLENDIDISSIMO,

VIRIS DE AVLA ET REPVBL.
MERITISSIMIS,

PATRONIS SVIS OMNI VENERATIONIS

ONNOCVTV PROSHOVBYDIS

HANC DISSERTATIONEM INAVGVRALEM

IN

GRATI ANIMI TESSERAM

SVBMISSO ANIMO ET DEVOTIONE

OFFERT

STVDIAQVE SVA VLTIORI PATROCINIO

COMMENDAT

EDITHAAS HOC SVA COR SVA

OMNIBUS GRAVISSIMO

AT ET

ADNATRI TCELESTARIO

COGNATISSIMO

DOMINO

FRIEDER. HENRISTO

BRVNHARDT

SERENISS. PAC. SVA COR SVA

STVARIO SVA

observantissimus cliens

ANTONIVS HENRICVS SIMON.

STVARIO SVA

MERITISSIMO



DISSERTATIO IVRIDICA INAVGVRALIS
DE
IVRE CONSVETVDINARIO.

§. I.



Vs condendarum legum ad eam Solummodo pertinere, qui Summa in Republ. potestate gaudet, tralatitium, & præter multos alios à RVFENDORFIO. (1.) perspicue commonstratum est. Quemadmodum autem leges voluntatem imperantis, & quid hic in Salutem Reipubl. fieri, omittive velit, subditis patefaciunt, voluntas vero ab hominibus in universum tam verbis S. expresse, quàm factis S. tacite declarari potest: ita inde ultro consequitur, leges quoque vel *expresse* ab imperante promulgari, vel *tacite* ejus voluntate constitui.

(1.) *de Jure N. & G. Lib. VII. C. 4. §. 2.*

A

§. II.

§. II.

Priori casu, ubi *expressa* imperantis voluntate lex conditur, id iterum fit vel verbis *ore prolatis*, vel Scripto comprehensis. Si verbis *ore prolatis* lex fertur, tum *juris traditi* nomine ea venire suevit. Illud quippe finiente BOEMERO (1.) nihil aliud est, quam *jus ab initio expresse quidem, non vero per scripturam, promulgatum statimque memorie mandatum, & traditione ad posterum translatum*. Atque tale jus in Lacedæmoniorum quondam Republ. obtinuit, si quidem LYCURGVS, prout ex PLVTARCHO refert THOMASIVS (2.) in Rhetris suis inter alia expresse cavit, ne legibus scriptis illi uterentur. Unde etiam JUSTINIANVS Imperator (3.) tradit, Lacedæmonios magis ea, quæ pro legibus obseruarent memorie mandasse: & ex CRAGIO notat EVERARD. OTTO (4.) quod TERPANDER & TYRTÆVS leges Lacedæmoniorum versibus complexi sint, ut ad musicos modulos decantarentur, & ita animis civium imprimerentur. Simili propemodum instituto Germani veteres usi sunt, apud quos ut pote literarum expertes, leges haud scriptas, sed memorie mandatas & per carmina, quæ memorante TACITO (5.) unum apud illos memorie & annalium genus erant, conservatas fuisse, recte docet BOEHMERVS (6.)

- (1.) ad §. 3. I. d. I. N. G. & Civil. & in *Introduct. in Jus Digest. Lib. I. Tit. 3. §. 18.* Eodem fere modo *jus traditum* delineat LYNCKER. in *Anal. ad Dessel. lib. I. Tit. 4. rubr.*
- (2.) in *Dissert. de morum cum jure scripto contentione §. 37.*
- (3.) in §. 10. I. de I. N. G. & Civ.
- (4.) in *Comment. ad c. §. 10. I. d. I. N. G. & Civ.*
- (5.) de *Moribus Germ. Cap. 2.*
- (6.) in *Jure Eccles. Prot. Lib. 1. Tit. 4. §. 13. circa f. junct. §. 11. in f.*

§. III.

§. III.

Quemadmodum vero traditio, sive perpetua ejusmodi & quasi de manu in manum ad posteros derivata relatio, in genere fidem solum historicam operatur, & experientia nimis crebro testatur, fabulas quoque ea ratione facillime propagari: ita inde confido, ante omnia in veritatem traditionis sedulo inquirendum esse, ne eadem nobis imponat, & pro veris falsa persuadeat. Sic pervulgata quondam fuit traditio **LOTHARIVM II.** Imperatorem studium iuris Justiniani, Seculo XII. etenebris iterum eruti, in scholas & fora reduxisse, ac præterea, ut abrogatis omnibus aliis Legibus jus illud ubivis observaretur, *peculiari constitutione* sanxisse: quod tamen a vero alienum, talemque legem a Lothario II. nunquam promulgatam esse evidentissime demonstravit **CONRINGIVS** (1.) similiter de **OTTO NE III.** Imp. constans olim fuit opinio, quod lege expressè lata caverit, ne quis in Regem Germaniæ e ligeretur, nisi ex parentibus Germanis natus esset, ad quam legem post **CYSPINIANVM** (2.) & **MVTIVM**, (3.) **HEIGIVS**, (4.) **LIMNÆVS**, (5.) **SCHÜTZIVS** (6.) alii provocant. Verum cum **OTTONIANA** ista constitutio nuspiam reperiatur, & neque **DITHMARVS**, scriptor cœvus, neque alius ad ea tempora propius accedens historicus, ejusdem meminerit, traditionem istam non immerito falsitatis arguunt **KVLPISVS**, (7.) **RYMELINVS**, (8.) **OBRECHTVS**, (9.) cæteri. Nec minus de **RVDO LPHO I.** quondam existimatum fuit, quod anno 1274. peculiari lege statuerit, ut posthac ob inscitiam Nobilitatis, Principum & Pontificum Edicta atque privilegia in Teutonum lingua ederentur: quod tamen recte in dubium post alios vocat **HERTIVS**. (10.) Ex diverso cum **CAROLVS IV.** Imperator in Aurea Bulla (11.) ad firmat, se ex clarissimis relationibus & traditionibus antiquorum invenisse, Regis Romani futuri Imperatoris primam coronationem Aquisgrani factam esse: isthanc traditionem veram & optime

fundatum esse PFEFFINGERVS (12.) atque LVDEWIGIVS (13.) evicerunt.

- (1.) *de Orig. Jur. Germ. Cap. 21. § 22.*
- (2.) *in Ottone III.*
- (3.) *in Chron. lib. XIV.*
- (4.) *Part. 1. quæst. 5. n. 22. 23.*
- (5.) *in Jur. Publ. l. 2. c. 2. n. 83. junct. Addit. T. II. ad cit. l. p. 6. seqq.*
- (6.) *in Colleg. de statu Rei Rom. Vol. 1. Ex. 2. tb. 9. lit. 6.*
- (7.) *de Observant. Imper. §. 17-21.*
- (8.) *ad Aur. Bull. Dissert. 4. §. 23. in Coroll.*
- (9.) *de Elect. Imper. §. 4-7.*
- (10.) *de Fide Diplom. Germ. §. 2.*
- (11.) *Tit. XXIX. §. 5.*
- (12.) *in Not. ad Vitriar. T. 1. p. 888-890.*
- (13.) *in Comment. ad Aur. Bull. T. II. p. 449.*

§. IV.

Quoniam igitur traditio medium quodammodo fallax & inidoneum est, leges ore prolatas & voce forte Præconis publicatas conservandi atque ad posteros transmittendi, si quidem ea ratione non solum juxta modo dicta falsa sæpe numero leges fingi, verum etiam memoriâ hominum facile excidere queunt: hinc aliarum gentium Legislatores voluntatem suam in scripturam redigere, & verbis scripto comprehensis, sibi subjectis indicare maverunt, eoque casu leges expresse conditæ *juris scripti* nomine indigitari solent, quippe quod nihil aliud est, quam *jur in scripturam redactum, & per scripturam ab imperante promulgatum*. Sic de Atheniensibus testis est Imperator JUSTINIANVS (1.) quod ea, quæ in legibus scripta comprehendisset, custodierint, cum SOLON celeberrimus eorum Legislator non insubide censuerit, jûs vel ideo scriptum esse oportere, ut præcepta legum civibus

ob

ob oculos versarentur, observante EVER. OTTONE (2.) Apud Rom. idem obtinuisse, eosque more Atheniensium leges promulgatas, ac æri deinde ad perpetuitatem incisas publice pro rostris proposuisse, idem testatur OTTO (3.) & præterea ex Institutionibus Imp. IUSTINIANI (4.) in quibus variae juris scripti Romanorum species exponuntur, lucidissime apparet. Neque alius modus, leges expressa Imperantium voluntate constitutas, promulgandi in Germania hodie receptus est, cum illæ typis exscriptæ omnium oculis facile subjici, atque adeo in cunctorum subditorum notitiam illico deduci possint.

(1.) in §. 10. I. de I. N. G. & Civ.

(2.) in Commentar. ad d. §. 10.

(3.) in Commentar. ad §. 3. I. & I. N. G. & Civ.

(4.) in §. 3. seqq. cit; Tit.

§. V.

Quodsi vero *tacita* imperantis voluntate jus conditur, *jus consuetudinarium* inde enascitur, ut pote quod in generalissima significatione recte describitur, quod sit *jus tacita imperantis voluntate per actus subditorum habiles introductum*. Quia igitur *tacita* voluntas juxta §. 1. ex factis colligitur: cum primis observandum erit, quod heic, & subditi, & imperantes faciant, ac proin illorum & horum facta expendi debent. Illi, dum plures actus uni formes ac cæteroquin ad inducendam consuetudinem idoneos suscipiunt, hoc ipso, quem in modum legem fieri exoptent, declarant. Hi dum actus subditorum habiles resciscunt, aut rescicisse præsumuntur, eosque tolerant, nec cum possint impediunt, illos tacite probare, & ut in futurum iis convenienter jus dicatur, statuere censentur. Unde consequens est, ad introducendam consuetudinem duo potissimum requiri, 1) actus subditorum habiles, quippe qui *jus consuetudinarium* semper

A 3

præst.

precedunt, cum ex diverso juris expresse lati usus & exercitium quod non minus in actibus, subditorum legi congruenter institutis consistit, *sequatur*, prout apposite observat GUNDLINGIUS (1). 2) tacitam imperantis voluntatem, quippe quæ ex actibus subditorum idoneis, ab imperante toleratis colligitur, atque vim juris etiam quoad futurum habere, videtur. De quibus requisitis ut paulo copiosius nunc dispiciamus, operæ pretium fuerit.

(1) in Gundling. P. VII. Obs. 3. §. 14. in f. p. 152.

§. VI.

Ut itaque actus subditorum habiles sint, & consuetudinis introductivi, 1) plures perpetratos esse oportet. Innuir hoc Imperator ALEXANDER (1) *Præses*, inquit, *provincia probatis his quæ in oppido* FREQUENTER in eodem *contraverſarum genere, servata sunt causa cognita statuet*: nec non Impp. LEO & ANTHEMIVS, (2) rati, *servatam* TENACITER consuetudinem legem imitari. Unde nobis ne quicquam probatur sententia eorum, qui vel *duos* actus ad inducendam consuetudinem sufficere autumant, si quidem frequentia hæc desiderata duobus vel tribus actibus haud quaquam absolvitur, quemadmodum nec Senatus aut collegium, cum non nisi duo aut tres de Senatu collegiove adsunt frequens dici, aut consuetudo tenaciter servata vocari potest, quæ non sæpiſſime servata fuit, prout reiterationes subduxit GERARDVS NOODTIVS (3.) Multo minus adſtipulari possumus TITIO (4) etiam unicum actum hæc sufficere opinanti, si illi confirmatio imperantis accedat. Quis enim certo asseverare ausit, imperantem velle, ut illud, quod intuitu unius specialis actus statuit, ad omnes similes actus generaliter extendatur? experientia quippe abunde comprobat, quantum sæpe gratiæ personarum aut odio detur, ut adeo ex una actus cujusdam

jusdam confirmatione generatem regulam mox formare nimis illepidum sit.

- (1.) in l. 1. C. quæ sit longa consuet.
- (2.) in l. 3. C. cod.
- (3.) in Comment. ad ff. L. 1. T. 3. p. 13.
- (4.) in Jure Priv. Lib. 1. c. 7, §. 9.

§. VII.

Deinde II) actus illi plures ac frequentes debent quodque uni firmes esse, seu homogenei, cum ceteroquin non sint plures, quoniam dissimilia per se consistunt seorsim, nec numerum efficiunt, recte judicante GYNDLINGIO (1) Unde facile est ad intelligendum, consuetudinem, quatenus adhuc formanda & introducenda est, etiam per unicum actum contrarium in nativitate sua impediri, eique, contra quem illa urgetur, exceptionem interrupta consuetudinis recte accommodari, docente HARPRECHTO, (2.) CARPZOVIO, (3) COLERO, (4) SCHILTERO (5) aliis.

- (1) ad ff. Lib. 1. Tit. 3. m. 2. §. 4. p. 47.
- (2) Vol. Nov. Consil. 16. n. 909. §§.
- (3.) Part. 2. Const. 3. def. 22. n. 6.
- (4.) de Process. Execut. P. I. C. 3. n. 35. inf.
- (5.) Exercit. ad ff. 2. §. 21.

§. VIII.

Nec minus III.) requiritur, ut actus consuetudinis inductivi per diuturnum tempus continuati sint. Quo collimant Imperator IUSTINIANVS (1.) diuturnos mores legem demum imitari, præcipiens, nec non VLPIANVS (2) diuturnæ consuetudinis mentionem & injiciens, itemque IULIANVS (3.) inveteratam consuetudinem pro lege custodiendum esse statuens, & qui id clarius adhuc exprimit HERMOGENIANVS

NVS (4) dum ea quæ longa consuetudine comprobata sunt, ac per annos plurimos observata, servanda esse definit. Interim quia certus annorum numerus Jure Civ. determinatus non est, ultro largimur, multum arbitrio judicis eatenus oportere relinqui, tantumque temporis, in univrsum requiri, ut intra illud de scientia & patientia Legislatoris, ac proin ejus tacita voluntate probabiliter apparet. Quamvis enim hanc sententiam impugnet TITIVS (5) eam tamen optimis ex rationibus tuentur NOODTIVS (6.) GYNDLINGIVS (7) cæteri. Jure vero Sax, certum tempus heic expressum esse scilicet XXX. annorum anni & dici, in vulgo notum est: quod qua ratione contra Juris hujus otores & vituperatores defendi queat, rectissime TITIVS (8) atque GYNDLINGIVS (9) docuerunt.

- (1.) in §. 9. I. de I. N. G. & Civ.
- (2.) in l. 33. π. de LL. SCris. & long. consuet.
- (3.) in l. 32. §. 1. ff. dist. tit.
- (4.) in l. 35. ff. eod.
- (5.) in Jur. Priv. L. I. c. 7. §. 12.
- (6.) in Commentar. ad ff. c. l. p. 13.
- (7.) in Gundling. P. VII. Obs. 3. §. 23. p. 163.
- (8.) in Jur. Priv. c. l. §. 12. 13.
- (9.) ad π. c. l. §. 11. p. 49. Add. SHILTER. Exerc. ad π. §. 19.

§. IX.

Uterius IV) formandæ consuetudini illi demum actus idonei censentur, qui ex opinione necessitatis peracti sunt. Illustrationis gratia ad ferre juvat exemplum substitutionis pupillaris quam VLPIANVS (1.) moribus introductam esse adserit. Fac igitur, Cajum primum filio suo impuberi eo modo substituisse, & heredes extraneos in casum, si filius quidem heres fuerit, sed antequam in suam tutelam per-

perveniat decesserit nominasse, heredes vero legitimos qui impuberis in voluntate testatoris, eo quod illam ratam ac jure civili validam existimarent, acquievisse, hereditatem substituto reliquisse; fac porro, Sejum aliosque cives Romanos idem tentasse, heredesque simili persuasione ductos substitutionem non impugnasse; sic demum consuetudo paulatim invalescere potuit. Aliud exemplum sistit BOEHMERVS, (2.) sequentem proponens speciem: In statuto quodam cautum erat, ne maritus uxori suæ in præjudicium liberorum ultra tertiam relinqueret: multoties tamen deinceps everserat, ut mariti uxoribus suis ultra tertiam legarent, liberi vero, ad quorum favorem statutum respexit paternæ voluntati obtemperarent, rati, patrem jure suo ita disponere potuisse ejusque testamentum ideo in firmum haud esse; exinde igitur facillime consuetudo statuto isti contraria exsurgere potuit. Ex quibus simul patet actus ex mera libertate exercitos introducendæ consuetudini haud quaquam sufficere. Ponamus enim communitatem quandam habere jus eligendi Ministros ecclesiæ, accidisse compluries ut defuncto e. g. Pastore Diaconus eidem suffertus fuerit: ponamus porro in præsentem iterum vacare munus Pastoris, communitatem autem gravibus ex causis arbitrari e re sua & ecclesiæ fore, si alius quam Diaconus, in Pastorem eligatur; An propterea Diaconus contradicere & ad consuetudinem inveteratam provocando, ut ipse Pastoris muneri præponatur, petere poterit? Non putamus, cum communitas ejusmodi electiones ex mera libertate suscepit. Sed & de aliis actibus voluntariis idem dicendum erit. Finge enim in specie ex BOEHMERO paulo ante proposita liberos testamentum patris impugnasse, causam vero transactione tandem sopitam viduæque defuncti aliquid ultra tertiam ultro a liberis relictum esse: talis actus ad consuetudinis inductionem nihil plane conferre poterit; uti pluribus hoc ipsum laudatissimus BOEHMERVS (3.) illustravit.

B

(1.) in

- (1.) in l. 2. c. de Vulgar. & Pupill. Subj.
- (2.) in Consult. & Decis. T. II. Resp. 869. n. 13. 19.
- (3.) in Consult. & Decis. T. I. P. II. Resp. 45. n. 417. seqq.

§. X.

Tandem V) actus etiam *rationabiles* esse oportet, hoc est naturali juri non contrarios, si ex illis consuetudo oriri debet; alioquin enim docente GREGORIO (1) corruptela, magis quam jus vocari meretur. Neque tamen illico putandum est, consuetudinem ideo esse irrationabilem, quod vel ejus ratio non apparet, vel aliquid rationis eidem opponi potest, uti recte observat MEVIUS (2.). Hinc sæpe in hypothesi ambigitur, utrum consuetudo, de qua questio incidit, rationabilis sit nec ne? Exemplum modo citatus MEVIUS (3) exhibet, inquirens, an consuetudo quæ parentes a liberorum defunctorum successione penitus, etiam quoad legitimam excludit, valere possit? ubi quidem illi negativa probatur, eo, quod parentibus jure naturæ debeatur successio, & consequenter eos penitus a liberorum bonis excludere, a pietate & jure alienum atque ideo improbum videatur. Sed cum legitima docente STRYCKIO (4) & EVER. OTTONE (5) eatenus solum naturæ debitum sit, quatenus alimenta liberis aut parentibus egenis præstanda continet: de ista sententia MEVIUS non immerito dubitamus. Sic per consuetudinem quondam invaluit ut cœnobita ad recipiendos alendosque canes yeneratorios obligarentur, quam consuetudinem a non nullis pro impia haberi refert LEYSERUS (6) quamvis ipse eam a ratione & pietate non adeo abhorreere recte existimet. Majori jure inter irrationabiles consuetudines referimus eas, quæ ab opificibus quondam in absolutione ac dimissione tironum aliisque occasionibus passim receptæ fuerunt, quas ex parte recensuit, simulque damnavit Augustissimus Imperator CAROLVS VI. in celebratissimo illo Edicto quod anno 1731. cum consensu

su statuum Imperii ad abolendos ejusmodi abusus condidit, & per totum Imperium publicari jussit. Nec minus in hunc censum veniunt Consuetudines, juxta quas Magistratus res furtivas apud furem deprehenfas, Itemque bona naufragorum sibi vindicant, quas cum aliis ejusmodi abusibus CAROLVS V. Imperator (7.) expresse improbat, & pro consuetudinibus irrationabilibus habendas esse præcipit. Neque dubitamus, quin huc etiam pertineat consuetudo carnificum, vi cujus illi omne id quod in loco ubi cadaver propriè idæ positum est, reperitur, quodque ipsi stantes juxta cadaver infra, supra, sursum ac deorsum in conferentia gladio attingere possunt, cœu lucrum sibi vindicant, de qua prolixius LVDOVICI (8.) commentatus est.

(1.) in c. f. X. de Consuet. Add. c. mala consuet. 3. Dist. 8.

(2.) P. 2. dec. 378. & P. 9. dec. 160. Add. Gundlingian. P. VII.

Obs. 3. §. 24. sqq.

(3.) P. 9. dec. 161. & in Comment. ad J. Lub. P. 2. Tit. 2. art. 1. n. 55. & 56.

(4.) in Vr. Mod. ff. de Inoff. test. §. 17.

(5.) in Commentar. ad d. T. de Inoff. Testam.

(6.) in Dissert. de Metat. Append. §. 13.

(7.) in Const. Crim. art. 20. & 218.

(8.) in Diss. de Jure Carnificum in bona propriè idæ.

§. XI.

Præter requisita hæcenus enumerata non nulli quoque actus judiciales præcisè desiderant, cui doctrinæ tamen non obscurè refragatur CALLISTRATVS (1.) qui rerum perpetuo similiter judicatorum auctoritatem consuetudinem diserte opponit, atque adeo illam ad hujus constitutionem abscissee non requiri perspicue indicat. Quamvis non diffiteamur, actus aliquando contradictos & judicio deinde firmatos faciliorem sæpe reddere probationem, quæ collimare nobis

B 2

vide-

videtur VLPIANVS (2) dum primum illud explorandum arbitrat, *an etiam contradicto aliquando iudicio consuetudo firmata sit.* Circa cujus textus lectionem opportune observat NOODTIVS (3.) cumque secutus GUNDLINGIVS (4.) loco vocabuli *contradicto* quod illiberalem admodum sensum gignit, cum Græcis legendum esse contradicta, qua ratione omnia plura magisque expedita esse nemo non videt.

(1.) in l. 38. ff. de Legib. SCis. & long. consuet.

(2.) in l. 34. ff. eod.

(3.) in Commentar. ad ff. d. Tit. p. 13.

(4.) ad ff. c. l. §. 10. p. 48. & in Gundling. P. VII. Obs. 3. §. 19. p. 156.

§. XII.

Consideravimus huc usque, quomodo actus subditorum comparatos esse oporteat, ut ex illis consuetudo enasci possit. Verum sicut actus subditorum soli, licet qualitatibus recensitis gaudeant, formalem consuetudinem sive jus consuetudinarium non efficiunt, sed juxta §. 5. imperantis quoque voluntas tacita accedere debet: ita nunc expendi meretur, ex quo illa imperantis voluntas inferri atque colligi perspicue queat. Ubi quidem animadvertendum, respiciendum heic in primis esse ad lubentem Legislatorum permissionem, qui dum plures seu frequentes ejusdem generis actus a subditis exercitos resciscunt, & sine contradictione tolerant, eosdem approbasse, & ut illis in posterum convenienter jus dicatur voluisse censentur, & quamvis videri posset tales actus vix ac ne vix quidem in imperantium, amplius præsertim terras possidentium notitiam pervenire, nec proin tacitum eorum consensum exinde tuto colligi posse: attamen cum cæteroquin, observante BOEHMERO (1) itemque KRESSIO (2) Scientia & patientia officialium pro scientia & patientia ipsius Principis habeatur

habeatur hoc ipsum in præfenti tanto magis recipiendum esse existimamus, quoniam partim regulæ consilii & prudentiæ suadent, ut inveterati subditorum mores tolerentur, partim etiam Legislatores sæpe ipsi jubent, ut secundum probas & rationabiles consuetudines judicetur, quales iustitias non in Jure Justiniano (3) solum, sed & in Recess. Imperii (4.) ac Legibus Provincialibus (5.) passim deprehenduntur, ex quibus facile est comprehensum, imperantes admodum proclives esse ad actus subditorum debitis & hucusque expositis requisitis, probandos firmandosque, ita ut in vim juris tandem evalescant.

- (1.) in Consult. & Decis. T. I. P. II. Resp. 17. n. 22.
- (2.) in Dissert. de Jure Officior & official. C. 5. §. 9.
- (3.) v. pr. & de Offic. Jud. ibi: aut moribus.
- (4.) v. R. a. 1654. §. benebens sollen 105. ubi und Gewohnheiten. Ord. Jud. Autii. T. 1. ubi: Gute Ordnung und Gewohnheiten Add. KVLPI. de Observ. Impr. §. 3.
- (5.) v. Constit. Elect. Sax. P. II. c. 16. & 27. item P. 3. Constit. 20. & alibi.

§. XIII.

Quando quidem igitur consuetudo, secundum hætenus deducta, tacita imperantis voluntate ex idoneis atque habilibus factis elicitæ perficitur: consequens est, ut ea vix præsumatur, sed ab illo, qui in ista se fundat, probari debeat; quo respectu etiam facti esse, & in facto consistere, auctore BONIFACIO (1.) Pontif. censetur. Et quamvis communiter consuetudinem notoriam excipias, eamque probatione non indigere autument: nihil omnius tamen si illa ab adversa parte negetur, vel jactata ejus notorietas in dubium revocetur, probanda erit, docente BOEHMERO (2.). Nec ob onere probandi relevat nudum attestatum Magistratus

B 3

vel

vel Judicis de consuetudine recepta fidem facientis, prout recte judicant CARPZOVIVS (3.) BRVNEMANNVS (4.) MEVIVS (5.) alii.

- (1.) in c. 1. de Constitut. in 610.
- (2.) in Consult. & Decis. T. 1. P. II. Resp. 59. n. 12.
- (3.) P. 2. Const. 3. def. 22.
- (4.) in Commentar. ad l. 34. ff. de Legib. n. 4.
- (5.) Part. IV. decis. 2.

§. XIV.

Qua ratione vero in probatione ista expedienda verari debeant Advocati, egregie post COLERVM (1.) & SCHILTERVM (2.) exposuit KEMMERICHIVS (3.) scilicet primo generalis articulus probatorius præmittitur, quod talis consuetudo in loco quodam vigeat. Secundo formatur articulus specialis, quod hoc vel illo tempore in hac vel illa causa actus consuetudinis inductivus gestus sit. Tertio adjicitur novus articulus de alio atque alio actu, debitæ qualitatibus non minus gaudente, conceptus: & sic deinceps continuatur, usque dum tot actus habiles prolati fuerint, ut de veritate receptæ consuetudinis amplius dubitari nequeat. Notanter vero asservi, actus *habiles & consuetudinis inductivos* adducendos probandosque esse. Neque enim sufficit, actus solummodo plures sive frequentes ac per diuturnum tempus exercitos allegasse: sed etiam reliquæ eorum qualitates necessariae in articulis probatorialibus tangi atque exprimi debent, veluti: quod actus illi sint *uniformes*, quo referri posse videtur celebratissimum illud ICtorum assertum, consuetudinem specificæ atque in individuo probandam esse; Nimirum explicante MEVIO (4.) in similibus plane casibus concurrentibus iisdem qualitatibus & circumstantiis, quæ sunt in facto controverso, idem jam antea plus

plus vice simplici observatum esse ostendendum. Addatur ROEHMERVS (5.) eleganti hoc præjudicio illustrans. Nec minus articuli ita formari debent, ut ex iis appareat, actus illos *ex opinione necessitatis* peractos fuisse: quo respiciens SCHILTERVS (6.) apposite monet, testes de consuetudine deponentes de ratione etiam scientiæ suæ debere deponere, ut pote quia viderunt ita observari, *idque publice, presentibus & scientibus multis personis*. Quodsi tamen de tali agatur consuetudine, per quam grave aliquod onus, e. g. laudemium majus, census emigrationis, vel simile quid subiectis imponitur, hanc qualitatem non probandam esse, sed præsumi potius, eo magis existimamus, quo certius est, subditos talia onera vix suscipere, nisi ad ea suscipienda obligatos se atque obstrictos esse opinentur. Quamvis denique actus consuetudinis introductivos etiam *rationabiles* esse oporteat: hæc tamen qualitas iterum, probatione non eget, sed tamdiu præsumitur, donec contrarium legitime fuerit probatum, prout recte advertit TITIVS (7.)

(1.) *de Proc. Execut. P. I. c. 3. n. 34.*

(2.) *in exercit. ad §. 2. §. 20.*

(3.) *in Dissert. de Probat. Consuet. & observant. Sect. 2. §. 3.*

(4.) *P. IV. decis. 3. n. 7.*

(5.) *in Jure Eccles. Protest. L. I. Tit. 4. §. 44.*

(6.) *c. l. in annot. lit. a.*

(7.) *in Jure Priv. l. c. c. 7. §. 24.*

§. XV.

Quemadmodum porro Imperium nostrum Romano-Germanicum magnam aliquam civitatem constituit, quæ ambitu suo plura specialia territoria, quorum singula varia
iterum

iterum municipia, vicos & pagos continent, complectitur: ita inde consequitur consuetudines, ad exemplum juris scripti, non inepte dispeſci in Univerſales, ſpeciales, & ſpecialiſſimas. *Univerſales* appellantur, quæ per univerſum Imperium vigent, ut pote quod pacta nuda civilem obligationem & actionem, producant, ſecundum MEVIVM (1.) CARPZOVIVM (2.) & plures alios: quod pacta ſucceſſoria, cæteris paribus, valida ſint, ſecundum SCHILTERVM (3.) HARPRECHTVM (4.) GAILIVM (5.) & BOEHMERVM (6.) quod instrumenta etiam privata liquida paratam executionem habeant, juxta MEVIVM (7.) & BRVNEMANNVM (8.) quod libri mercatorum, neceſſariis requiſitis inſtructi, ſemi plene probent, ſecundum STRYKIVM (9.); quod in cauſis criminalibus non appelletur, ſecundum GAILIVM (10.) quod delinquentes ad forum delicti non ex neceſſitate, ſed urbanitate ſolum remittantur, ſecundum CARPZOVIVM (11.) & RICHTERVM (12.) cujus generis adhuc plures & tantum non infinitas dari in propatulo eſt. *Speciales* ex diverſo conſuetudines dicuntur, quæ in ſingulis ac ſpecialibus Germania territoriis obtinent. Sic de Saxonia teſtatur BARTHIVS (13.) quod gerada per uſum & conſuetudinem ibi fuerit introducta. In Pomerania teſte MEVIO (14.) Jurisdictio criminalis ordinarie ſeudis ex conſuetudine adhæret. In Thuringia referente LYNCKERO (15.) matri poſt mortem patris in bonis liberorum uſus fructus relinquitur, quo uſque hi familiam propriam non conſtituunt, vel mater ad ſecunda vota tranſit. Specialiſſimæ denique vocantur, quæ in certis præfecturis, municipiis, vicis pagisve obtinent. Sic in non nullis civitatibus, vel pagis juri protimiſeos & retractus ex ſola vicinitate locis relinquitur teſte RICHTERO (16.) Alibi communio bonorum inter conjuges moribus invaluit, tradente HERTIO (17.) plura exempla jam adſerre, brevitatis ſtudio ſuperſedeo.

(1.) *Part. V. dec. 497.*

(2.) *P. 231*

Etā constat, seu rectissime sentit BOEHMERVS (2). Consuetudines denique *specialissimæ* nec de loco in locum proferri, nec docente MAYRO (3.) ad bona & res a jurisdictione c. civitatis exemptas extendi possunt.

(1) P. I. Decif. 45. §. P. VII. dec. 254. n. 12. 13.

(2) In Consult. & Decif. T. I. P. II. Resp. 75. n. 20.

(3.) P. II. Decif. 30.

§. XVII.

Superest, ut de effectu Consuetudinis legitime introductæ paucissimis adhuc differamus. Exprimitur ille satis evidenter JUSTINIANO, (1.) dum diuturnos mores legem imitari præcipit, nec non a JULIANO JCto, (2) qui inveteratam consuetudinem pro lege non immerito custodiri definit. Quemadmodum igitur, autore MODESTINO (3.) legis virtus est imperare, vetare, permittere, punire: ita easdem virtutes consuetudini tribuendas esse persuasi sumus. Imperat sc. consuetudo, actiones subditorum dirigendo, iisque certam normam, certasve solennitates præscribendo. Vetat, dum prohibet, ne actus consuetudini receptæ convenienter gesti impugnentur aut rescindantur, neve, qui secundum invalidam consuetudinem egerunt puniantur. Permittit dum jura singularia tribuit, vel juxta mores receptos licite & impune agere sinit. Tandem etiam punit dum actus Consuetudini consequenter non susceptos, vel pro nullis ac invalidis habet, vel rescindit, vel alia potest coercet.

(1) in §. 9. J. de J. N. G. & Civ.

(2) in l. 37. §. 1. ff. de LL.

(3) in P. 7. ff. de LL.

§. XVIII.

Num vero consuetudinis ususque longavi tanta sit autoritas,

ritas, ut legem anteriorem, expressa imperantis voluntate conditam, mutare aut tollere possit? ambigitur. Plane HERTIVS (1) hoc indiscriminatim admittere noluit, sed distinctionem fecit inter leges distincte aliquid jubentes vetantesve, aut clausulae, ne mutantur, munitas, & leges eo solummodo fine, ut arbitrii excludatur varietas, perlatas. Illas per consuetudinem posteriorem tolli posse negat: Has vero abrogari posse concedit. Sed nobis indistincte placet sententia adfirmans eo quod rationes quæ imperantem sæpe permovent, ut in consuetudinem legi suæ contrariam tacite consentiat, de quibus elegantissime GVNDLINGIVS (2.) exposuit, in omnis generis leges quadrant. Unde etiam generaliter JULIANVS (3.) pronuntiat, leges non solum suffragio Legislatoris, sed etiam tacito consensu omnium per desuetudinem abrogari. Et GREGORIUS IX. Pontifex (4) in universum permittit, ut iuri positivo per consuetudinem præjudicium generari possit, si medo ea sit rationabilis & legitime præscripta. Nec obstat l. 2. C. quæ sit long consuet. ubi diserte negatur, consuetudinem legem vincere posse: Hoc enim assertum de lege quæ consuetudine posterior est, accipiendum esse tam perspicuis Solidisque rationibus evicit NOODTIVS (5.) ut ne ullum quidem amplius dubium superesse amplius possit.

(1.) In Diss. de Lege clausula ne abrogari possit munita Sect. I. §. 10. junct. Dissert. de Differentiis Juris in Stat. Nat. & Advent. Sect. I. §. 8.

(2.) In GVNDLINGIAN. P. VII. Obs. 3. §. 6. - 14.

(3.) In l. 32. §. 1. ff. de LL. SCtis & long. consuet.

(4.) In c. & X. de Consuet.

(5.) In Commentar. ad ff. de Legib.

§. XIX.

Tandem, quod ad contraria consuetudinis attinet, ea sint dubio secundum ea quæ circa finem §vi præced. ex

C 2

NOOD-

MODTIO allata sunt, a Legislatore per *expressam legem* contrariam tolli ac mutari possunt: nisi forte consuetudo specialis certis personis jus singulare, e.g. parochianis jus eligendi per majora vota Minutrum ecclesie, tribuat; talis quippe consuetudo privilegio æquiparatur, & ideo æque difficulter ac privilegium tolli potest, docente BOEHMERO (1.) Sed & per consuetudinem novam contrariam, priorem iterum mutari posse, in comperto est, modo observetur non illico unum alterumve actum contrarium consuetudinem contrariam inducere, sed requisita ad consuetudinem introducendam necessaria conjunctim debere concurrere. Quamvis enim consuetudo adhuc formanda & introducenda per intervendum unius duntaxat contrarii actus in nativitate sua impediatur: tamen quando ea per actuum conformium frequentiam & temporis diuturnitatem semel formata & in esse producta est, tunc per unum vel alterum actum eidem contrarium haudquaquam tollitur, prout copiosius HARPRECHTIVS (2.) demonstravit.

(1.) in *Consult. & Decis. T. I. P. I. Resp. 33. n. 60.*

(2.) in *Vol. Nov. Conf. XVI. n. 909. sqq.*

§. XX.

Potuissent quidem quæ de jure consuetudinario huc usque commentati sumus, ulterius illustrari, & multa adhuc ad materiam tam late patentem pertinentia in medium proferri. Verum quia Specimen academicum solum in presenti edere, non vero integrum Tractatum conscribere institui, filum hic ambrumpo omniaque, quæ dicta sunt, benignæ Benevoli Lectoris censuræ ea, qua decet, modestia submitto.

F I N I S.

